

桐

城

縣

志

柘城縣志目錄

卷一

聖制

輿地志

原始河渠物產

沿革古蹟

疆域陵墓

都鄙風俗

卷二

建置志

城池街坊祠宇

公署津梁寺觀

倉庫堡砦郵政

鋪司祠祀

職官志

官制教諭

知縣訓導

主簿名宦

典史

賦役志

戶口

田賦

差徭

學校志

學制  
書院

祀典  
義學

學田

卷三

選舉志

薦辟  
武進士  
封贈

進士  
武舉  
廢襲

舉人  
例貢  
監生

附舊志新志不再入

貢生  
例授

軍政志

營汛  
武功

武備  
兵革

武弁  
武職附

人物志

一 仕宦

卷四

人物志

二 儒林  
孝友

篤行  
忠節

文苑

卷五

人物志三 義行流厲

隱逸

耆壽 附舊志鄉飲

藝術

卷六

列女志 節孝烈女

烈節孝女

孝婦賢母

貞女

卷七

藝文志一 繪章

奏疏

記

卷八

藝文志二 序說

頌議

贊書

論引

辯疏

卷九

藝文志三

傳

題跋

詩

賦

卷十

藝文志四

墓誌銘

墓表

祭文

書籍志

經

史

子

集

雜著

雜志

災祥

識餘

柘城縣志卷五

人物志

義行

體逸

耆壽

藝術

流寓

義行

明

張瀛嘉靖三年大疫民饑有司賑糧不敷瀛世積善遂  
出粟千石以濟邑令于濠申請旌表義民

劉守倉柘城人以貲財雄於鄉任俠好義臺使薦其名  
於朝授五品服不受越數載計部復上其義行授光  
祿寺署丞辭不就居家以賑卹貧困爲事萬厯中太

康大饑守倉出粟三百石賑之饑氓存活無數後邑  
大祲復輸粟八百石賑之邑令繪狀以聞天子嘉其  
義建坊旌之時人以比陰子方張萬福云

今按舊志僅採省志補而實蹟乃詳載其子  
心乾傳有乖體例茲提出參用省志改撰

劉心乾字懋勿光祿丞守倉之子也早承父訓慷慨好  
施以明經釋褐爲別駕使命未下優游林泉捐粟百  
石以濟寒士復施田百畝有奇以贍之會中原大亂  
太康尤被荼毒心乾念唇齒之邑捐粟八百石以助  
城守又捐粟二百石以食餓者無何柘境亦告急心

乾復輸粟百石以甦困者乙亥流氛益熾遠近戒嚴  
心乾曰事急矣吾邑彈丸懼爲所蠶食乃走縣輸錢  
五百緡粟五百石俾繕城池募丁壯以固根本復與  
衆謀曰賊朝夕至吾地必爲所魚肉吾與諸君計建  
一堡以固圉俾父老子弟高枕無虞可乎衆皆曰諾

心乾乃出千金鳩工庀材衆踴躍爭赴不日告成堡  
延袤周迴三里許雉堞高四丈外復鑿深溝以限敵  
自是屹然一保障矣未幾賊大至居民皆攜家避其  
中心乾計口給食以贍之寇偵其備不能克乃掠他



境而去當是時屠戮之慘徧於鄰邑而劉氏之堡無  
恙事平計所費糧一千三百餘石草薪二萬餘束共  
值一千五百餘金衆感其義謀聚貲償之心乾堅拒  
不受曰拯難吾家故事保全一方以慰先靈足矣敢  
言報乎事平衆數千人相率赴府陳其義潘慎庵太  
守爲之立傳衆又繪圖以志不朽給諫杜齊芳繫以  
十歌見飛蓬吟

全惠家貧爲曹養聖備於起臺集拾睢人胡尙禮遺金  
十兩嘆曰吾雖備義不忍藏此金俟其人還之是夕

尙禮至惠卽以所拾還之尙禮欲酬之惠不受張令給匾獎勵

楊子順家貧拾金還主邑令秦鑑獎賞之

金從耀崔庫同拾金還主邑令白登明獎勵之

張心孝少豪俠有大志八九歲通孝經十九入府庠奉

親孝承歡無間事兄以恭高氣節臨事義形於色慷

慨論說片言解紛鄉里有不平者咸就公理尤長幹

畧當闖寇之亂設謀守城保全甚衆他如持公而白

王別駕之誣解騎而救宋相國之戾尤其餘事也年

石城縣志 卷五 人物志 三 義行

七十膺府介賓九十一終

魏時振邑庠生平傲岸不羣偉如也臨事慷慨義形於色有經濟大略議論風生優文學尤嫻武事明季賊一條龍掠柘率衆驅逐境賴以安又寇袁時中圍城數日幾陷賊師登城振奮身投以巨石寇不敢登解圍去闔郡公舉學使諸臣上聞遂以功授項城教諭因亂未仕居家課子長玳次琬俱登科人以爲有德之報

周士駿字天閑邑庠生安貧守節有翁姓日暮投宿黎

明卽行遺囊金六十餘兩駿得於榻後固藏以待及翁至倉惶流汗駿盡還之翁願酬以半駿不受翁又酬以十金終不受

陳景庠生事親至孝柩被水災倡舉報上免糧三千石士民德之

曹繡字崇錦輕財好義萬厯元年重修關帝廟廟前鑿井一以濟行者廟後捐地十畝爲住持香火貲五畝爲焚獨流離葬埋之所明年春大饑納穀五十石助

賑上臺旌其門加冠服以示勸焉

苗應春  
採補

林城縣志 卷三  
四  
國朝

張煊字明也生有文武才值明季寇亂當事屬以兵柄羣依爲長城煊訓練有方立法嚴明人不敢犯卒使一方安堵無虞者煊之力也是時黃河決汴口水薄城城將崩煊偕邑令禱於河伯不應卽擲身投水中挽之甫出而水消三尺許人以爲神鄉人義之歿後八十餘年其孫文學承恩以其行述屬邑人高玠表其墓

耿省躬字璿璣國學生忠厚好施與家有田十餘頃日

布衣疏食有譏其陋者省躬曰吾家世儉與其豐於己盍不留之以濟人雖陋何礙焉康熙己丑邑罹水患穀貴民饑乞食者衆省躬日以麩數斗濟之全活甚夥聞連令行平糶之法復舉勸輸之事濟急慨然輸銀三十兩又修普濟堂屋十餘間人皆義之連令題其門

耿瑛字文符邑庠生性寬厚知禮法嘗曰天下美才豈乏特屈於貧不能學者多乃創爲義學令鄉里人咸來學雖傭人牧子咸被瑛教澤云又與友遊於郊適

見己田有竊麥者急避之其友曰此非君田乎胡乃爾瑛曰麥未熟而竊之彼必甚須此麥者些小微物何計焉康熙庚寅合邑公舉介賓連令獎之

陳樸字伯林明确節舉人聞詩五世孫主事天清子也性聰穎好學下筆洋洋千餘言習聞庭訓者十年其學益成事親孝甫十歲隨父官京師遭母喪哀毀如成人事繼母一如嫡母復勇於爲義滑縣趙憲台無子樸素與友善出數百金爲置妾高郵諸生夏日啓遭水患攜家赴豫投親不遇進退狼狽樸捐貲財送

之歸邑人董貴被火災給以衣食尤好周全貧士隴  
右大饑有劉仲昭者千里謀食鬻書於市樸與言有  
異因延之於家數年仲昭竟魁本省乙酉鄉薦仙源  
丁源渭來學樸見其誠懇留置家中教課歷年成進  
士開館造士一時里黨俊秀皆從之遊如張大成邢  
振先周斌等皆其門人焉以明經候選教諭未及仕  
而卒年六十七所著詳書籍志子嵩來見孝友傳

余煒字雲赤號東園歲貢平生好義輕財立社倉捐穀  
數十石普濟堂捐銀五十兩無少吝及任懷慶府學



訓導見房屋隘做悉捐俸修之精岐黃士庶求醫者未嘗以不暇辭勤於課士衡文以理法爲主士風丕振陞光州學正士庶咸祖道不忍別未及任而卒子均字世平國學生亦好義有友病垂死以家貧子幼見託及歿均爲助喪撫孤始終不怠歲荒出糧濟急人多全活路遇遺骸收而葬之事親孝病革母臨猶強起作笑容蓋恐傷親心也嘗施藥濟人不取一錢人有過絕口不言唯多方規正之邑令邱表其門

張世俊字際可號東溪幼攻儒不得志遂棄去嘗讀漢

東平爲善最樂語流連不輟性慈愛好施予康熙己丑大歉里人饑世俊多周之夜聞哭聲甚哀曉跡之知王姓有欲賣妻子以養母者姑與夫弗忍別故聚泣耳俊惻然止之按月給米并助以貲俾謀厥生又有李江者攜其妻避荒至柘窘迫欲自經俊收養之明歲有年遣歸鄉里前令趙廉其事題其門曰任恤可風壽登大耋而終他若孝父母養伯叔教育堂姪昭於里閭尤人所共推重者也子三長璣邑庠仲璞季璿中癸未科進士授開封府教授

趙光瑞監生性仁厚尤好義輕財常以衣食濟人遇有不能葬者則施棺衾以助之凶年里中有鬻妻者光瑞出粟三斗錢三千保全之趙令旌其門

邱文澤附監生性好義雍正二年修普濟堂捐銀六十兩賑恤鰥寡孤獨又捐銀五十兩陸令詳其事院府咸表其門他若修城隍廟獨力金塑廟神捐社穀修橋梁鄉里爭重之

朱煜嵩字嵩山國學生平生尙義好施道路橋梁多所修葺有司勸捐義倉出穀五十石太守旌扁其母曹

氏曾捐地二十畝入普濟堂鄉人重之

謝夢鵬字君珮號敬齋幼端凝甫入塾卽以禮法自淑  
從遊朱陽先生先生一見器之設教於白塔寺四方  
從遊者雲集尤培植寒士飲食教誨俾成名而去旌  
德周詔諭與夢鵬善客死於柘老妻幼子零丁孤苦

夢鵬周恤倍摯前令程義而旌之事親以孝有孺慕  
終身之意性友愛讓產於兄弟亡恤其子女田宅婚  
嫁竭盡心力凡族黨之有乖戾者悉爲之諭以禍福  
人多感化改行卒年八十三葬之日門人送者二百

餘人

李詠抑字鑒武博學好古邑舉人陳聞衣自負所學罕  
當意者一遇詠抑稱爲奇才性慷慨好施予嘗有王  
增者河北人也率眷避荒至柘貧且病賣其子以行  
夫婦哭之慟詠抑爲贖還並與之居給湯藥者三月  
而王夫婦相繼卒爲市棺以葬之復收養其子增以  
金帛遣歸歲饑聚鄉衆而穀食之地患水沙兩岸病  
涉爲梁中流以濟於是鄉人爭稱頌焉幼失怙恃依  
養於叔奉之若父痛親早亡繪象以祀胞弟峩山親

故時僅兩歲詠抑問寒燠揣饑飽出入必負之歡好  
終其身

苗臣於官橋拾銀百兩餘失主訪及慨然還之失主謝  
以銀復不受

史梓乾隆元年施養濟院地十畝陸令賜匾獎之

葛述祖監生乾隆四年拾銀一百兩候失銀之人還之  
陸令題其門

王繼志監生乾隆十七年施棺於貧民至十九年共二  
百八十五具力不能行而止鄉里欲舉其義行對曰

木坊縣志 卷五  
爲善不卒恥也不從

姬克儉農民也家業無幾而好周急李灘集西惠濟河  
有橋五孔黃水衝斷絕車行兩載克儉修之張家橋  
亦然施藥活人至死不倦臨歿呼其子文燦曰汝勿  
以善小而不可爲蓋屬望後人於無窮也邱令獎其門  
宋朝英字超萬邑諸生遇凶年必減價糶穀鄰里有婚  
喪事貧不能行者力周之縣設社倉首先捐輸程令  
獎之乾隆四年春秋大饑朝英已故其子思其遺教  
穀仍減價焉

張大重乾隆壬午春惠濟河捕魚拾銀百二十兩細訪知去秋黃水驟來平岡集西客溺歿所遺遂呼其店中識者認真行李全還之一時稱爲義舉

陳依純字肖始邑庠生急公尙義有族人家貧不能葬其親依純悉助之族中復有善事親者依純念其孝割地四十畝以贈之至收養同姓撫育外甥鄉人爭樂道焉

葛繼祖生員曾助銀爲鄰娶妻捐穀濟貧黃令獎之

以上舊志



張燕字璞菴家素封慷慨好施與乾隆癸丑黃河決蘭陽睢州村落多漂沒逃至其門每見收恤平生篤友誼舉人陳敬慮應春官試乏川貲燕以百金贈之陳是科成進士乾隆丙午歲大禳道殣相望捐賑米三百石有奇存活者無算壽七十八卒

宋範採訪

梁玉成衛千總乾隆三十四年河溢將及城率東南百餘村亟築惠濟河隄袤延十餘里未幾水至河東得無恙河西田禾漂沒玉成捐租計畝償之邑令額其

門

余天孚採訪

鄭義城西街貧民賣油茶爲生乾隆四十六年小除夕  
日晨起掃雪拾銀四百兩初不知何氏所遺也後聞  
兩造爭訟始知係省委某夜遣僕取自錢鋪因醉墜  
落與錢鋪訟鄭義卽將銀如數繳官訟遂平省委感  
其義回寄朱緞匾表之邑令盧額其門

狄廣行  
採訪

劉璞字漢公乾隆初檄開溝渠失舊跡璞出地十餘畝  
爲溝首又於商柘往來之區修橋名曰劉溝橋歲大  
饑開倉賑濟不繼破產糴穀給之鄉鄰蒙其惠稱爲

義門劉氏

張心寬  
採訪

韓朗齋嘉慶癸酉大饑以穀百石濟鄉里全活者衆有鬻地於朗齋麥秋至徧告之曰予所買地悉予回贖籽粒無所取親族鄰友貸項計百六十金皆焚其券

邑令費獎以扁額

劉義中採訪

杜景崢字仰亭監貢治家嚴子孫或有過失必警嘉慶間築護城隄又立水火會以備不虞俗日久停柩景崢嘗捐貲葬五十餘棺復詣縣請出示曉諭貧家有喪葬親友按循分禮物以金錢代助葬費自是停葬

者少焉

劉鵬九採訪

余萬藻字蔚東道光八年淫雨傷稼萬藻繪災圖呈邑  
令令上之大府得綏徵並開倉賑濟全活甚衆邑東  
地窪下恃太平永安兩溝疏消積水歲久溝淤每大  
雨成澤國萬藻首請挑濬邑令屬鳩工四載始蕝事  
又創立鄉塾延師教戚里子姪貧者助以膏火多所  
成就長子鳳飛次子鵬飛孫天榜均邑庠生人以爲

培植寒士之報云

韓金印  
採訪

王懷瑾道光癸巳訖癸卯十年間歲迭饑前後出米五  
六百石減價平糶全活尤衆咸豐初髮捻竄擾所至

無完戶獨過懷瑾處羣相戒曰此王善人村也毋焚掠其子世金能繼父志每值歲祲施粟米至三四百

石復捐貲築堡砦以衛鄉閭人均稱爲善人云

宋範採訪

寶玉璞歲貢生城東南隅有宅基一處捐修普濟堂生

平工制藝善書法士林推重

余天孚採訪

劉文曉字子朗輕財好義因生齒繁父命與弟博古翰

宣析居文曉將祖業盡畀之博古早逝遺子女教養

婚嫁一如己出後歲歉弟姪窘甚相與合爨如初族

中有賤售田畝資存活者如其值悉留之秋大熟乃

盡召故主贖去鄰里高其義又好作養寒士不能讀  
者恆資薪水以成其志事聞邑令深獎異之卒年九

十二四子皆名諸生

王敬宗  
採訪

竇大田庠生同王六順倡修劉家渡橋計長十一孔歷

十數年所費甚鉅悉捐貲成之其樂善有如此

郭珩  
採訪

王韞輝歲貢生樸素自守非與試足不履城市尤好善  
倡義修橋以便行旅有夜盜其桑者墜地幾死爲之

醫藥痊乃已族人王孟堅貧不能娶慨然資助之

路  
綸

採訪

劉麟卜字瑞符邑庠生母早卒事繼母一如所生與弟處怡怡然體羸弱多病遂棄學鄰里有爭競者取決一言以判是非道光二十八年河朔災流離相望麟

卜捐粟米賑之

蘇楚材  
採訪

高聰字睿知事母孝與弟文友愛尤篤慷慨好義有地十餘頃咸豐初寨被圍幾破聰毀家抒難未幾圍遂

解

梁汝弼  
採訪

許康正字牧堂性勤樸棄儒習醫活人頗多咸豐癸丑

土匪竄擾捐貲倡築寨以護耕種衆乃安保

高超賢  
採訪

王天錦字繡章國學生幼失恃恭兄友弟內外無間言  
每歲暮施絲衣咸豐間捻匪數攻寨天錦設法固守

賴以安全

王克明  
採訪

王化遠家貧而性廉咸豐間皖匪告警村民乘夜紛入  
寨化遠於路中拾一箱明晨張貼告白失主來尋悉

歸之

李耀堂  
採訪

李金箱家貧咸豐間捻匪逼近李鵬程於夜間使埋錢  
數百千家無知者次日鵬程遇害金箱指埋錢處語  
其子子得之願分半以酬金箱決不受人以拾金不



昧比老

董學冉  
採訪

宋桓字敬承性慈祥戚里多所調恤嘗買鄰村楚玉參  
宅地立券時察知其以產業蕩盡而悲慨令改賣爲  
當仍居其宅佃其田迄今三世安之又買董姓地一  
區亦如之其寬厚類如此壽逾八旬無疾卒子師啓  
弱冠入郡庠咸豐乙卯捻匪蹂躪無完戶師啓宅一  
無損因出粟二百三十餘石濟族鄰人猶稱之

宋範  
採訪

劉作智好行其德有家貧母老且病謀娶妻以養乏聘  
貲以二十餘緡飲助之始成禮值歲大祲貧者輒貸

以粟多所全活

王思智咸豐間寇亂修城築堡以資捍衛他如育嬰恤孤諸善舉悉捐貲倡之貸人以財貧不能償者焚其券分多潤寡待以舉火者數十家

以上李耀堂採訪

寶鉦字震九邑增生咸豐間舉辦團練邑令祝一切委任之歲丙辰饑設粥賑井井有條於棲流所外又立貧民局收養病者全活甚衆捻匪猖獗立保衛局於城凡繕城池籌守備莫不殫心竭力規畫盡善會會文正公督師勦匪駐軍周家口爲管理糧艘由軍功

累保至直隸州銜山東候補知縣先世藏書甚富兵燹後蒐輯散佚重梓行之晚年究心岐黃

余天孚採訪

楊嘉明字峻德與兄嘉亮分產後仍不時資助之咸豐間皖匪竄柘嘉明有房數間四方避亂者任棲止五年冬賊大至嘉明驅車西走路拾包袱數枚至濟瀆池失主尋之直百餘金悉反之失主感恩不已後以守城勞瘁成疾卒

劉瑄字西獻例貢生舉人元善孫咸豐二年捻匪猖狂鄉鄰逃竄無定所因聚衆議修士寨出秋麥各三十

石錢二百緡爲創衆亦樂捐貲助之踴躍赴工瑄朝

夕省試不憚勞瘁工竣名之曰天保堡

以上路  
振河採

劉麟一弱冠入庠文名噪甚性溫和與人無競士林樂與之遊篤內行與兄瑞符同居年踰六十無間言邑令王謀修縣城麟一以身先之咸豐初賊擾柘境麟一結砦自固遠近來歸者數百家賊屢至無所得同治元年忠親王僧敗賊於杞追至金樓賊悉力抗拒麟一命姪佩蒼星夜解糧以助軍食邑令謝上其事

獎五品功牌

劉龍章  
採訪

張紹閱國學生值髮捻之亂人有戒心修盟心堡售地三十餘頃爲之倡咸歡呼從事捐貲出力共襄厥成一

方賴以保全

董學冉  
採訪

常學武拾遺金百兩失主倉惶至武如數還之失主曰吾王政也感君之恩願以半報武曰若愛金則金爲

我有矣何愛其半力卻之邑令王獎以匾額

劉義中  
採訪

陳檀字馨遠武舉懷尹懷路之胞伯也捻匪竄柘而城惡檀力任繕修出貲數百緡自東門至北敵樓皆完

固邑令王元緒旌其門

李鈿  
採訪

王效曾字唯一例貢咸豐間皖匪擾柘公舉爲團練長  
率長子廩生三元勦匪屢獲勝未幾三元以勞瘁卒  
邑人氣奪效曾曰此命也吾豈忍以一兒之死而忘  
閭邑之生乎仍肩任之衆賴以安嗣後修城效曾總  
其事慨然捐貲千餘緡以倡工乃竣越數月卒邑令

謝請獎五品銜鹿邑副貢張汝金表其墓

張連登  
採訪

許錫印字賡揚衛千總同治三年慈聖集東廣濟橋五  
孔爲水所拆錫印捐錢五百千重爲修葺告竣後咸

勒石以記其功

路振河  
採訪

楊友諒業農同治四年夏耘禾隴畔有過客出其途綠  
林三人白晝劫之友諒見揮鉏往救受重槍幾死適  
衆至獲二賊送邑宰正法客得無恙詢之乃孔姓赴  
曲阜修家乘者宰壯其行旌其門

路綸採

王杲性寬厚族弟昇少失怙恃貧苦無依衣食婚娶悉  
爲經紀會年荒商邱閭某挈妻孥僦居於杲饔飧恆  
不繼杲日給薪米無少缺同治六年夏捻匪逼城雨  
久城圯杲督工修築日立酷日中不少輟工竟邑令

獎之

余天孚採誌

張金銘光緒二年杞縣馮明之夫婦攜子女避荒鬻其女於李姓女日夜號泣金銘憐之備貲斧贖而歸諸馮越明年有武陟縣吳某挈其妻避荒江南歸沿途乞食不相值其婦聞金銘善士乞暫棲止以尋夫金銘許之爲跡吳某不可得乃親送其婦北歸其他施濟類如此

張敬齋採訪

王德均字澤普咸豐間髮捻竄擾乃仿前人堅壁清野法出貲築蓮花堡衆賴以安十年賊圍安平寨率衆解之光緒三年歲歉出所積穀分潤族鄰無一流徙



者

陳調  
採訪

葛樂山字崇仁例貢生凡橋廟等工皆慷慨捐輸與弟  
登山析爨房舍田產使弟擇之同里褚姓者母卒無  
葬所樂山與地半畝並出貲助葬光緒四年歲凶同  
里欲遠徙力止之日出穀五斗分食貧者凡兩閱月

衆乃安

路援河  
採訪

李待聘過張家橋見橋下包裹一拾視之得朱提四元  
小鏢二件袍褂料四卷疑賊所遺徧示後知藩吏田  
永清物田自省歸薄暮投宿魏學程家飲醉攜之墮

於路醒反索於魏不得遂與訟待聘持其包歸之田  
且愧且感酬之金不受縣令嘉獎之

韓金印  
採訪

劉承瑋字伯珍廩貢生遵例捐刑部郎中嫡母病晨昏  
侍湯藥寢不解帶家饒裕味東平王爲善最樂語胡  
襄集東建義學一區歲延師令鄉村子弟入學成就

甚多

趙彭齡  
採訪

王樞字星門幼承家學弱冠入庠旋食餼好培植寒士  
從學者不能具修贄樞出其篋中餘贄以助膏火皆

成就

路繪  
採訪

武蓮亭字蓉舫歲貢生安貧力學執經門下者多所成  
就邑向無文場每縣試就署搭棚文章自備桌椅不  
勝其勞偶遇風雨幾無安硯處蓮亭捐貲倡建考棚  
於文起書院東偏由是應試者無向時之苦士林咸  
稱頌不置云

王維城  
採訪

王玉印字國璽皖匪茲擾村鄰議築堡玉印割地十餘  
畝以助工且任勞怨工成髮鬚盡白

何理卿  
採訪

王謨歲歉里人多依周濟有河北張世彥攜妻孥逃荒  
抵柘勢窘迫有女將鬻之不忍離哭甚哀謨聞而憐

之助以錢粟骨肉賴以全活

李自新  
採訪

劉夢鶴字仙客增廣生其父靜修創修義聚堡未幾卒

時方兵燹主持寨事皖匪數過境設計備禦里黨賴以無患光緒丁丑間歲荒出貲以贍族人全活甚衆

邑令尤勸辦浙江賑濟捐貲百金總河吳賞給匾邑

令元勸辦積穀捐經費復額其門

李耀堂  
採訪

張心寬字貴德例貢生因擒匪猖獗築中和堡於榮家堂心寬出錢五百緡以爲之倡於是人都踴躍輸工

一方賴以保全

宋範  
採訪



隱逸 增

國朝

陳嘉謨字翊吾萬曆己丑年十六入邑庠 國朝定鼎

愛髮不試庠載逸老性剛方危言危行生平窳於易

兼精醫學工詩年九旬有奇卒

採朽閣遺書

王球字素石號靜菴祀鄉賢三槐孫幼讀書目數行下

早失恃哀毀骨立晚年執父喪葬祭盡禮博稽羣書

尤善屬文值明鼎革逍遙林下闢順受居吟嘯其中

以樂餘年創修族譜規條嚴明咸取則焉

見王氏家乘

王澤渥字家洲隸子生有奇才儻不羈讀書目數行  
下尤精孫吳兵法值明鼎革不仕竇令奇其才後遊  
西方所交皆知名士察言色知人休咎其應如響晚  
年於宅西偏闢別墅杜門謝客蒔花種竹飲酒賦詩

以自樂焉

見王氏  
家乘

耆壽增

國朝

余鼇康熙時人爲寶太史作盛德孚衆序序中自言予  
髦不紀年其過於絳縣老人之四百四十五甲子者

約百八十有奇見尋樂堂日錄

張鎮西  
採訪

寶容謙字平子號松溪雍正癸卯科武舉工書法屏絕  
世故吟詩自娛所著詳書籍志壽八十五

苗應春  
採訪

高薰字芳亭邑庠生幼有神童之號性曠達不羈工書

法壽八十五

馬崑源  
採訪



袁炳文邑貢生尙豪俠胡家山邪教作亂炳文率衆禦之賊不能逞撫帥賜匾額以榮之後授淮甯教諭年

八十二壽終學署

張敬齋探訪

劉立誠號信山 恩貢舌耕而食比年水災懇邑令張開倉賑濟全活甚衆弟丹誠及其兩子翼之上之均入庠壽八十五

寶玉璟字嵐谷歲貢生孝友樸誠好學篤行誨人亶亶不倦成就者多精岐黃術貧者時給以藥不取值壽八十三

王正己壽九十乾隆年間邑令周夢龍額其門

曹良字善養嘉慶時人素行端方忠厚待人鄉里稱爲

耆老壽八十九

以上余天  
孚採訪

張進山壽八十七

寶繪字畫文壽八十二

周連魁字仲元年八十一

以上路  
綸採訪

吉桴字聖舟家素豐好善樂施賙恤貧困義舉不可更  
僕數垂白之年耳聰目明健步如常壽九十八邑令

王賜匾額表之

陳文炳  
採訪

張承烈慷慨好施予修橋梁葺寺觀輒傾囊助之年九十康健如少壯乾隆三年訓導王作正上其事旌其門

李高字登瀛性質樸親鄰有訟多爲和解有孤獨者撫之成立爲謀生理完婚娶里有貧乏周恤備至邑令陳張兩額其門遇 覃恩給八品頂戴壽九十三

王照字長安號西京存心忠厚和睦鄉黨嘉慶元年闔邑公舉

欽賜九品銜邑令買題額表之壽九十

以上路綸採訪

余培誠字聖傳嘉慶間 恩賜耆民壽九十三

王紹周採訪

王奉疇字欽之邑增生教授生徒成名者三十餘人壽

八十二

董銳字穎菴武庠生壽八十三

以上陳訥採訪

白立山嘉慶時人理咽喉濟人甚多壽八十五

徐景運採訪

邵雲亭號清齋武庠生嘉慶間黃河泛濫奔避者全集

雲亭假以房舍若棲流所水平按戶給錢米使歸保

全甚衆年八十

張鎮西採訪

李文章字道華壽八十六

韓金印採訪

董蔚亭字豹變少讀書長業醫專治傷寒證生平以濟

人爲急請輒至未嘗以年老辭壽八十六

余天孚採訪

王克讓出金補橋路數年不倦壽八十四

蘇楚材採訪

王東超字泰瞻郡庠生好讀書藏書數百卷枕藉其中

咸豐間賊焚其屋書盡燬東超歸惟以書付餘燼爲

憾室庭所弗恤也年八十三卒

曹效騫採訪

王立志家中落讀書刻苦入邑庠文名藉甚門下多知

名士晚年靜坐一室手一編流覽不倦年八十一卒

劉龍章

採訪

周兆臨樂善好施常備藥餌爲人療病戚里咸德之壽  
九十二子東膠邑諸生睦宗恤隣片紙不入公門壽  
八十孫繼湯邑庠生現年八十有奇

呂國福  
採訪

周鳴岐字鳳山歲貢生好學篤行授生徒孳孳不倦貧  
者不計脩脯鄉里有爭端鳴岐以理論之立解壽八

十一

牛蔚起  
採訪

蘇鑄字禹鼎增廣生設教鄉曲規條綦嚴一時多所成  
就子汝源食餼孫楚材邑庠生壽八十一

王棧字臨川邑庠生制行端方事親以孝聞壽八十二

王榮先字治平號希古弱冠補博士弟子員教授鄉里  
多所成就壽八十一

以上朱玉  
瑾採訪

袁景文邑增生篤志好學鄉塾課徒成就甚衆一時有  
桃李盈門之譽壽八十三

劉鐸有孝友之稱邑令祝舉爲團練長晚年愛菊得山  
水閒意鶴髮童顏壽九十一

劉化鯨業岐黃壽八十二

以上張敬  
齋採訪

王永昌邑廩生事親以孝聞晚年潛心易理年八十一

卒

韓顯周  
採訪

宗文增廣生家貧好讀書老不釋卷壽八十七

呂進廷字君佑家庭孝友五世同堂平生好施與任恤

可風壽九十四

以上余天孚採訪

史華官字扶周監生好義輕財常以衣食濟人壽八十

五

張御衆採訪

宋連三字捷登持家勤儉處世正直壽八十五

梁懋修性耿介氣宇巖峻遇忠孝節烈事無不侃侃直  
陳鄉里有不平事就之理立剖斷無不心折者壽八

十三

以上余天孚採訪



張鳴岐字鎮西壽九十二

曹儉字聖從壽八十四

張金鑑字子明壽八十一

以上張連登採訪

劉永襄字毅齋郡庠生工書法終身讀書至老不倦壽

八十一

張御衆採訪

趙大任字仔肩武庠生壽八十四

張志道字恒修國學生壽八十二

以上劉貫德採訪

張馨遠字馥萬邑庠生性耿介聰明過人家貧授生徒

成就者極多年八十四卒

馬崑源採訪

呂玉堂字望如邑諸生品學兼優又精岐黃年八十四

無病卒

李宗武探訪

謝桂丹字凌霄性樸實居鄉以忠厚待人壽九十

呂金相採

王嘉賓字心貺壽八十四

王明安字心坦邑庠生壽八十五

閻景文字宗周務農樂善壽九十六

王守柱壽九十一

王上林字超萬壽八十三

以上余天孚探訪

劉峻嶺壽八十四

傅全山字奇峯壽九十二

張崇三字登九壽八十八妻楊氏壽九十一

軒茂林字超羣壽八十二

李鳳彩字棲梧壽八十六

王忠一字蓋臣壽八十四

白松林字茂叢壽八十四

軒世德字衣庭年十一失怙事母孝家貧躬耕訓子孫

成立壽八十一

以上王雲  
衢採訪

呂瀚章邑庠生壽九十六

郭備五庠生端方正直學有根抵壽八十三

李雅堂精岐黃術壽八十七

夏之德壽八十二

夏世興持家勤儉忠厚和平壽八十三

郭思俊七歲失恃事父孝與諸兄處能盡弟道壽八十

五

以上劉玉振採訪

李汝霖字良弼精岐黃壽八十一

馬繼武壽八十六

李兆豐慷慨好義冬夏施衣茶壽九十

賈超然壽八十三

王鈺年八十六族中三百餘丁聽其約束咸肅然

徐玉粒年八十四同居四十餘口無間言

王汝和年八十二恤貧救厄同里稱爲惠人

董椿字大年事親有老萊子風父年九十一卒椿年七

十以母老節哀事母彌孝椿年八十二其母年百有

二歲康健如故五世同堂洵鄉里所罕觀

以上何理  
卿採訪

劉桂殿邑庠生壽八十五

李紹卜字範西邑增生壽八十二

以上王蓋  
卿採訪

余銓字若衡邑庠生好讀書手不釋卷壽九十

史存仁採訪

李存良字秉乾郡庠生壽八十一

武沛霖採訪

韓朝幹邑庠生壽八十四

袁兆祥武庠生壽八十二

彭鐸壽八十五

韓友諒壽八十六

韓青雲壽八十二

邵廷才壽八十一

以上邵君輔採訪

王夔龍邑庠生年八十五

劉兆元採訪

王化遠邑庠生壽九十三

張元堂好施濟一切善事皆喜爲之壽九十八

李慎修壽九十八

李進德壽九十三

趙萬須壽八十九

曹玉振壽八十四

張永先字孟儒以義行重於鄉里壽八十一

以上李鈿採訪

李成孝字耀先鄉里有貧乏者竭力賙恤壽八十

劉之賢字思誠壽八十九

以上韓三益採訪

鄭桂興字茂叢監生精岐黃業壽八十五

何理卿採

高肅壽八十妻劉氏生十子壽至一百十三歲無病終

十子親視含殮

劉景唐監生壽九十六

以上彭朝選採訪

王興元壽百十一

王新嵐壽九十六

王興鐸壽九十一

何聿修壽八十二

以上王高山採訪

李懷芳邑庠生壽八十五



李懷琳邑庠生壽八十

李德臣壽九十五

劉德崇壽九十一

梁際飛壽九十二

孫華封壽九十

以上李耀堂採訪

張秀章武庠生壽九十四

王聘壽八十一

侯省身壽八十二

葛藏修壽八十四

以上劉兆元採訪

王閑字聖緒邑庠生性樸訥潛心詩書兼通岐黃善爲

濟人利物事壽八十五

朱玉瑾採

王越凡字超衆捐千總壽八十九

楊懷珍國學生壽九十四

劉邦傑壽九十五

以上路綸採

王相友字輔仁壽八十五

王西川字凝輝國學生壽八十一

傅干城壽九十一

李任字道遠壽九十

以上余天孚採蒞

林城縣志 卷五  
曹勳壽八十四

曹金海採

孫得山字有峯國學生壽八十

張由孔字步尼壽八十

以上劉貫德採訪

魏自誠字允齋從九品壽九十三

呂鎔九採訪

杜崇暉壽九十七

杜方孟壽九十六

路華國字燦廷性廉介貧不苟取人皆賢之壽八十四

以上劉鵬九採訪

張懷玉壽九十六

邵廷弼壽八十二

以上邵仰相  
輔採訪

張期頤壽九十六

劉學曾年八十一

王松山年八十五

以上王維  
城採訪

王鵬飛壽九十六

王景山字仰嵩壽九十一

曹文成壽九十三

韓雙來壽九十二

周興壽九十二

王思孔壽九十

孫懷玉壽九十

以上吉慶  
祥採訪

左維初壽九十三以挖河功賞給頂戴

何天衢字雲階壽八十五

以上張鎮  
西採訪

常玫字玉文廉潔方正燕居必著衣冠壽九十一

劉丕基壽九十一

姬瑞麟壽八十八

魏西山壽八十二

張漢賢壽八十四

以上劉心  
朗採訪

鄭文平字星南壽九十子珍壽九十二

曹松嶺字冬秀監生事親孝壽八十五

梁永建國學生壽八十七

曹穎捷壽八十四

李俊壽八十四

曹勤壽八十五

劉得中字至正性耽耕讀尙勤儉退讓自守足不履城  
市者四十餘年壽百有三歲郡守王祺海旌其門

劉文成壽九十二妻馬氏壽九十六

以上竇世法採訪

余萬里字驥選壽八十二

王象賢號靜修性孝友嗜學不倦壽八十二

以上王子馨採訪

路潤壽九十

鄭雷採訪

曹玉瑤尙義俠好賜恤壽八十四

呂金相採訪

余振海壽八十四

張鵬壽八十七

以上周國華採訪

張鳳翥字成菴壽八十一

王建白字侃廷壽八十四

張松年字榮久壽八十一

王世興字可亭壽八十四

刁永福壽八十八

柳玉林壽八十八

以上路綸採訪

李良均字如衡壽八十九

王基採訪

徐世寶字珍卿壽八十八

馬登釐採訪

張鑄字甄陶壽八十四

潘心純壽八十一

王魁耀壽八十二

吳玠壽八十一

以上張尋哲採訪



郝敬路壽八十七

郝敬舉壽八十六

秦永金壽八十一

秦永富壽八十一

秦崇臣壽八十

以上李耀堂採訪

王華春字新嵐妻喬氏俱壽九十六

曹文成壽八十五弟文聚壽八十三

邱景聖壽八十三

牛占魁年八十二

李進財年八十三

以上劉心  
明採訪

余效路壽八十八

李自新  
採訪

路華生字國祥壽八十七

路興遠字貞久壽八十四

以上劉遜  
哲採訪

寶玉璨字有光號磨齋西陽知州縉子壽八十四

路綸  
採訪

曹克儉壽八十五

狄法憲壽八十二

彭鴻禮年八十三

姜廷珍國學生幼讀書長精岐黃業延請者盈門常蓄

藥餌救人年八十五卒

姜明欽字公安監生遇貧不給者每解囊與之卒年八

十五

以上狄廣  
行採訪

李文俊壽八十五

竇學琦年八十四

以上竇  
錢採訪

張道純壽八十八

屈相顏壽八十四

以上路振  
河採訪

劉體泰幼業儒家貧廢學爲人正直無私重於鄉里自

訟和睦一方仰之壽八十三

陳畫雀  
採訪

王會天壽八十九

張御衆採

趙尙春業農好義爲鄉里排難解紛人悅服之壽八十

四

苗應春採訪

劉綸字理齋效朱子聘李氏夫婦共臻遐齡綸壽九十

劉珣字君實壽八十二

劉玟字允公壽八十六

以上張心寬採訪

張華嘉年八十六

劉應科耆年碩德壽八十六

以上郝鳳舞採訪

王誠一壽八十九

劉心期採訪

高鈿壽八十一

以上武沛  
霖採訪

王思智壽八十一

傅臨莊壽八十五

王維新年八十五

曹中和壽八十六

李文炳年八十九

以上劉鵬  
九採訪

王汝東壽八十六

王元寶五世同堂年八十五

王侍先字敬宗家素豐常以衣食濟人族中有婚葬者

無不賜之壽八十六

以上楊思敬採訪

閻九如字錫祉年八十四歲道光癸巳入庠至光緒癸巳學使邵以重遊泮水額其門設教成就甚多尤好善舉每冬大雪於東關設義漿以賑貧乏著有四季

詩草藏於家待梓

王體仁採訪

王五子壽九十一

王蓋卿採訪

張兆麟勤樸好施遇貧乏輒賙之又捐金修橋有子二

孫六曾孫八元孫二五世同堂兆麟鬚髮浩然步履

躡捷一如壯時年九十五

韓郁周採訪

韓悅仁國學生年八十一

路振鴻採訪

陳學程字傳道幼讀書後業岐黃治痘疹尤精數十年

活人無算壽八十

李鳴皋字聞天邑庠生善書法專精痘科求診者無不

應鄉里德之壽九十

以上韓萃堂採訪

張效曾訓蒙數十年不計脩脯多寡而教誨尤孳壽八

十

邵相輔採訪

劉效尹字聘三道光十三年大饑出穀三十餘石以資

平糶鄉鄰德之壽八十四

馬振河採訪

張鳳嶺性至孝父染惡疾侍湯藥數月衣不解帶平生尤急公好義捐貲修堡砦出五百餘金年八十二卒

余天孚

採訪

郭鳴竹字聖兆捐貲修通宋橋鄰里德之壽八十四

王宿

斗採

訪

劉映臺字位三藩理問銜以兄映階任江蘇理家政內外無間言尤好賙濟無遠近親疎有藉貸者如願以

去壽八十

李自新  
採訪

馬中魁壽八十七

王樞  
採訪



王塙字如阜邑庠生壽八十二

司占元  
採訪

秦緒崇有族人永祥祖母死赤貧緒崇爲購棺斂之鄉

里有不能葬者亦資助之壽八十

王基  
採訪

張夢岐拾賈福錢票四十千如數歸之壽八十七

邵相  
輔採

劉絡字貫之邑增生性孝友品行端方耽吟詠善書法

咸豐初寇亂邑令祝延辦團練輸輒石築高八寨卒

年八十四

竇世  
法採

曹作楫字渡川文童咸豐間與王玉印等協力築堡又

以濬溝渠出力邑令余保六品頂戴壽八十九

何理  
卿採

賈國昌字輯瑞太學生咸豐初經粵匪萑苻竊發國昌  
聯各莊鄉丁捕之擒匪復起力爲防堵挖惠濟河督

工蒙保

賞戴藍翎年八旬無病卒

王敬宗  
採訪

毛紳字書訓咸豐五年皖匪寇柘紳歸自他鄉授族鄰

粟米俾無散亡六年禦賊於馬冢集敗歸慮賊夜撲

城令團衆授枹鼓守三里河城上懸燈爲疑陣賊偵

有備乃宵遁雨葺三里橋悉捐金以倡建文明塔紳

朝夕從事以底於成卒年八十

劉鵬九  
採訪

王柱咸豐間自備資斧以成雷屯寨壽八十四

陳詡  
採訪

韓金簡字禹書咸豐間數避亂必背先代木主行與人交際心氣和平遇親鄰有爭競居間和解輒感服壽

八十二 王紹周採訪

張如竹字耐寒咸豐元年 恩賜耆民壽八十五

路有德性寬和平生與物無忤咸推爲盛德長者壽八

十四 以上余天榜採訪

韓金鑑字光遠從九品壽八十一 王子堅採訪

張岩壽八十

王乾德壽八十三 以上劉友仁採訪

余鐸字警衆壽九十六

韓文從  
採訪

曹桂林年八十四

關經邦  
採訪

方國良家世孝友子四皆能治生產遞傳至曾元同爨

而食邑令以五世同居旌其門年八十八卒

邵君輔  
採訪

張子安孝友篤行家庭雍睦五世同居鄉里服其德人

多化之壽八十二

韓萃堂  
採訪



附舊志鄉飲

國朝

王文炳康熙十年舉鄉飲

王懋字愿夫生員康熙三十七年舉鄉飲

張倫字完人增生康熙四十一年舉鄉飲介賓

徐登陞康熙間舉鄉飲

夏文秀字瑞臣康熙五十一年舉鄉飲

袁公肅字象占乾隆三年舉鄉飲僕賓

李應軫字獻柱乾隆三年舉鄉飲

木如縣志 卷五 四一  
王鎔庠生天性純謹治家有法教二子珊瑚俱入庠年九十猶手不釋卷乾隆十九年舉鄉飲

王臣哲乾隆十九年舉鄉飲

周紀緒字振西乾隆二十年舉鄉飲

王德字迪修生員舉鄉飲

王瑁字復九舉鄉飲

謝贈字公施恂謹敦厚嘗讀理學正宗慕程朱高風建程朱祠於村中延師教子長琚次錫爵皆入庠親故羣兄相繼卒殯葬一循古禮費皆獨力承之年七十

邱令舉鄉飲

鄉飲酒禮士民年高有德素重鄉評者里中公舉  
通學公議皆以爲可然後薦於有司有司以禮敦  
請每歲正月十五十月朔行之其自度不稱者必  
固辭恐資口實焉自嘉慶十八年以後未舉行應  
如歸闕





藝術

國朝

王士宇子毛柘城人也寓居商邱善花鳥竹石多墨筆  
余遊梁宋間見其牡丹桃花圖竹木睡鴉圖結構不  
落時蹊沈厚道媚有林以善風格又見大幅墨竹勁  
竿俊葉迴出風塵學者所當宗法也常詢其里人未  
聞有稱其畫爲佳者因慨士之湮沒不彰者多矣豈  
獨一善畫之王子毛哉

見張庚  
畫徵錄



# 流寓

今按流寓或稱寓賢須名流碩士或遷客騷人  
僑居有年方稱其選舊志據起臺寺霸王岡有  
相傳爲吳起項羽伏兵處王霸卒葬柘張鎬領  
兵救睢陽止宿心問城列之古蹟足矣稱爲流  
寓於義未叶亟爲  
釐削昭覈實也

明

開濟字來學洛陽人其父蒙攜濟遊柘見風土樸茂悅

之遂家焉洪武初濟以明經授河南府儒學訓導六

年擢國子監助教洪武初以薦召爲刑部尙書深見

倚重禮樂制度多所建立十六年命濟議詐僞律濟

議法巧兼戒屬榜張之殿廷惜以忌謗暴卒

參明史本傳

軒輓字惟行號靜齋鹿邑人自父貴卽移居於柘永樂

甲辰科進士天性廉介督漕淮上除行人司副陞監

察御史正統元年與御史十六人出清理軍政清修

苦節廉明不苛陞浙江按察使前使奢泰不檢公矯

以清節惟布袍蔬食而已故舊經過者留一飯飯惟

一肉或至殺雞見者皆驚異遭喪卽行僚屬尙未及

知景泰四年公爲副都御史巡撫浙江改南臺天順

初擢刑部尙書海內推重以疾致仕陞辭上問曰昔

聞浙江廉使考滿歸家僅二竹籠是汝否公頓首謝  
上爲歎息賜金歸里未幾復召爲左都御史督南京  
糧儲公嚴毅過人無賢否悉峻拒不與接歲時詣禮  
部拜表慶賀屏居一室撤燭朝服端坐寂無一言每  
行禮畢竟御肩輿歸僚儕聞公來輒避去不樂與處  
南武庫郎沈琮嘗言留都大臣惟公與魏驥廉平峻  
偉不務文飾閒令吏寫公牘數十冊卒後賜祭葬

國朝

張鏡字心若睢州庠生居柘淡泊寡營足不入城市著

書自樂有柿菴吟南征草諸集

以上舊志

李臨陽字前九濮州庠生父由歲貢授在平縣訓導弟  
歐朋廩生咸豐八年避水居柘性質直好學訓蒙循  
循善誘與人交一本真誠尤篤孝友父母歿弟流寓  
他方每言及輒泣下夫婦處困苦中必持以敬居柘

十六年乃歸

張金貢  
採訪